



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK

PRAVILNIK
o postupku i načinu rješavanja zahtjeva građana
za naknadu nastale štete koju pričine psi lutalice

Na osnovu člana 91. Zakona o organizaciji organa uprave u Federaciji BiH ("Službene novine Federacije BiH", broj 35/05), čl. 8. stav 3. alineja 17. Zakona o principima lokalne samouprave u Federaciji BiH ("Službene novine Federacije BiH" broj 49/06), člana 46. Zakona o veterinarstvu Federacije BiH ("Službene novine Federacije BiH", broj: 46/00), Općinski načelnik donosi

PRAVILNIK

o postupku i načinu rješavanja zahtjeva građana za naknadu nastale štete koju pričinje psi lutilice

Član 1.

(Predmet)

- (1) Pravilnikom o postupku i načinu rješavanja zahtjeva građana za naknadu eventualno nastale štete koju pričinje psi lutilice (U daljem tekstu: Pravilnik) propisuje se način prijema i obrade zahtjeva koje građani upućuju Općinskoj upravi Tešanj (U daljem tekstu: Općinska uprava), a koje se odnose na zahtjev za naknadu materijalne i nematerijalne štete u slučaju ugriza psa lutilice ili napuštenog psa.

Član 2.

(Pojmovi)

- (1) U ovom pravilniku pojedini pojmovi imaju sljedeće značenje:
- a) **Imalac/vlasnik psa** je fizičko ili pravno lice koje je vlasnik psa, ili bilo koje drugo lice koje je stalno ili povremeno odgovorno ili zaduženo za psa,
 - b) **neupisani pas** je pas koja nije registrovan u skladu sa važećim propisima,
 - c) **napušteni pas** je onaj pas kojeg je imalac svjesno napustio,
 - d) **pas lutilica** je pas čiji je imalac/vlasnik nepoznat i koja bez nadzora luta ulicama i drugim javnim površinama, uključujući napuštenog, odnosno izgubljenog psa.
 - e) **Higijeničarski servis** je služba koja je osnovana u skladu sa odredbama Zakona o zaštiti i dobrobiti životinja (Službeni glasnik Bosne i Hercegovine broj 25/09),
 - f) **Sklonište za pse** je prostor u koji se smještaju pronađeni psi (napušteni i izgubljeni psi, psi lutilice i sl.) na dalju brigu i moguće udomljavanje,
 - g) **Javne površine**, u smislu ovog pravilnika, su ulice, saobraćajnice, trotoari, pješački prelazi, autobuska stajališta, taxi stajališta, šetališta, pješačke staze, javna stepeništa, platoi, trgovi, parkovi, travljaci, cvjetnjaci, spomen obilježja, javna igrališta, dvorišta škola, javni parkinzi i sl.

Član 3.

(Troškovi hvatanja, smještaja i preuzimanja neophodnih veterinarsko-zdravstvenih mjera na uhvaćenim psima)

- (1) Troškovi hvatanja, smještaja i preuzimanja neophodnih veterinarsko-zdravstvenih mjera na uhvaćenim psima snosi vlasnik psa, ako je poznat .
- (2) U budžetu općine Tešanj, u skladu sa članom 30. Zakona o zaštiti i dobrobiti životinja (Službeni glasnik Bosne i Hercegovine broj 25/09) obezbjeđuje potrebna finansijska sredstva za podmirivanje troškova hvatanja, smještaja i preuzimanja neophodnih veterinarsko-zdravstvenih mjera na uhvaćenim psima za koje nije poznat vlasnik.

Član 4.

(Postupak podnošenja zahtjeva za naknadu materijalne i nematerijalne štete u slučaju ugriza psa lualice ili napuštenog psa)

- (1) Ukoliko se dogodi slučaj ujeda psa lualice, oštećeni može da pokrene postupak za naknadu prouzrokovane štete.
- (2) Oštećeni ili njegov punomoćnik podnosi zahtjev sa slijedećim osnovnim podacima:
 - ime, prezime,
 - adresa,
 - broj telefona,
 - broj lične karte,
 - opis događaja i mjesta događaja,
 - opis psa,
 - opis pretrpljenih povreda,
 - imena svjedoka

Pored toga potrebno je dostaviti original ili ovjerenu kopiju slijedećih dokumenata:

- Ovjerenu izjavu oštećenog lica da se štetni događaj desio
- Zapisnik veterinarske službe ili policije da je štetni događaj prijavljen ovoj instituciji,
- Kompletnu medicinsku dokumentaciju koja se odnosi na liječenje povrede koju je nanio pas lualica.
- Broj žiro računa oštećenog , odnosno njegovog staratelja ili punomoćnika.

Član 5.

(Odlučivanje o zahtjevu oštećene stranke)

- (1) O zahtjevu za naknadu štete odlučuje komisija koja se formira posebnim Rješenjem, od strane načelnika Općine. **Jedan član komisije mora obavezno biti stručno lice medicinske struke,**
- (2) Komisija ima rok od 15 (petnaest) dana, od dana podnošenja zahtjeva, da isti riješi, uz prethodno pribavljanje svih potrebnih činjenica i dokaza.
- (3) Ukoliko komisija da pozitivan stav, odnosno zaključi da je zahtjev za naknadu štete osnovan, sa oštećenim se, zaključuje Sporazum o jednokratnoj naknadi štete.
- (4) Ukoliko komisija da negativan stav, odnosno odbije zahtjev, komisija će pismeno obavijestiti podnosioca zahtjeva.



OPĆINSKI NAČELNIK

mr.sci. Suad Huskić

Broj: 02-45-1-2583-4/22

Datum: 15.06.2023.

